

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

CXXXVII.

[urn:nbn:de:bsz:31-122744](#)

gatione quidem ex merito peccati ad pœnam condemnationis tenentur, ab actuali tamen pœnæ perpetiōne per fidem, vel certè à necessitate pœnas perpetiendi per Christi meritum sunt liberati; quo sensu omnes post lapsum homines damnati sunt, quia per unus casum una damnatio in omnes transiit, Rom. V. 18. aliquando verò eos, qui ob infidelitatem actu ad damnationis pœnam tenentur constricti. Qui non credit, jam judicatus est, quia non credit in nomen Filii DEI, unigeniti. Joh. III. 18. Quam differentiam in Enchiridio insinuat Augustinus, c. LI. inquiens: Veruntamen quod paulo post dicit: sicut per unius delictum in omnes homines ad condemnationem: ita & per unius iustitiam in omnes homines ad justificationem vite: satis indicat, ex Adam neminem natum nisi damnatione teneri: & neminem nisi in Christo renatum à damnatione liberari. Porrò actualis hujus damnationis sententiam in incredulos & contumaces vel universa fert Ecclesia, in justo legitimoque Concilio congregata, quemadmodum ita damnati sunt Arius, Nestorius, Eutyches & infiniti alii, cuius solennis formula est: anathema! anathema! vel ordinarii Ecclesiæ ministri, quibus mandatum est, errores pariter atque pertinaciter errantes refellere, & quæ damnatio, nisi resipiscant, ipsos maneat, ante oculos mentis adducere; vel denique propria cuiuslibet errantis conscientia, quæ quemlibet damnationis suæ convincit; quo sensu Paulus hæreticos vocat *adversarios eorum*, Tit. III. ii. Vulg. proprio iudicio condemnatos. Atqui de his omnibus singulisque hunc in modum & in præsenti seculo ab hominibus quidem, sed tamen ad legis Divinæ regulam condemnatis, nulla nobis quæstio est, nulla disquisitio.

CXXXVII. Succedit verò damnationi ob incredulitatem in hac vita latæ, alia longè gravior in alterâ, cuius sententia decretria & irrevocabilis ex ipso Divinæ majestatis ore prodibit. Sed & hæc duplex est: una in animam, quamprimum ex infelici corpore fugit indignata sub umbras, in iudicio DEI particulari, altera in hominem integrum, ubi consociata denuò per resurrectionem fuerit corpori anima, in iudicio extremi diei universalis stringetur. Quamquam enim non desint magna in veteri Ecclesia nomina, inque recentiori ætate viri sine controversiâ doctissimi, qui defunctorum animas citra discrimen omnes, sive bonas sive

malas, sive fideles sive incredulas, postquam hinc ex corporibus discesserunt, in locum quendam à cœlo atq; inferno tertium, quē illi Sheol, id est, commune animarum omnium receptaculum vocant, deferri, inque eo quodammodo dormire, neque ordinariē actus vitæ secundos ullos habere, quoisque cum corporibus iterum uniantur, docent; quorum sententiam & argumenta ex Scripturā Sacrā, ex antiquissimā traditione Ecclesiae & consensu omnium nationū & gentium, novissimè accurato judicio collegit, doctissim⁹ certè Anonymus, in Seriā Disquisitione, de statu & loco & vitā animarum, postquam discesserunt à corporibus, præsertim fidelium: nefas tamen nobis est, à receptā communiter sententiā, quae animas credentium à primo statim discessus sui momento æternam ingredi beatitudinem & celesti frui salute, S. Scripturæ & veruſſim⁹ pariter Ecclesiae auctoritate nixa, afferit: *beati, qui moriuntur in Domino, amān, à presenti tempore, Apoc. XIV. 13. & e-contrariò non credentium animas, quamprimum corporum suorum domicilia deseruerunt, infernali loco pœnisque adjudicat: dives enim moriūs in inferno existit & in cruciatis.* Luc. XVI. 23. quæque in praxi etiam, sive ad impertiendum pressis in hoc mundi ergastulo fidelibus solatium, sive ad terrorem conseleratis incutendum, aptior est, discedere. S. Irenaeus, lib. II. adv. Hær. c. LXIII. Per hæc manifestissimè declaratum est & perseverare animas & non de corpore in corpus transire, & dignam habitationem unamquamque gentem percipere, etiam ante judicium. Idem vetustissimus Pater, lib. IV. c. XLIII. Qui exurgunt contra veritatem & alteros adhortantur adversus Ecclesiam DEI, remanent apud inferos, voragine terra absorpti, quemadmodum, qui circa Core, Dathan & Abiram. Ad quæ loca Fr. Fevardentius, in Not. p. 151. His apertissimè indicatur, quam procul fuerit Irenaeus ab illorum sententiâ, qui beatorum spiritus, ante supremum judicium, beatâ Dei visione prohibuerunt, quod & infra facit, dum Dathan, Core & Abiran apud inferos manere, cum Scripturis confirmat. Justinus Martyr, Quæst. LXXV. p. 264. Μην τὴν ἐν Γαλιατοῖς ἔξοδον δεδύει, (exprimit emphasis in vocis ἀπογρήψι) γένεται τὸν δικαίων τὸν καὶ ἀδίκων διατοῦν ἀγόρευον τὸν τῶν ἀγνώσκων εἰς ἄκην αὐτῶν πίπει, (Macarius Aeg. Hom. XXII. εἰς τὸν ἀδικοῦντα, alludens ad Act. I. 25.) εἰ μὴ τὸν δικαίων ψυχῆς εἰς τὸν παρεγέδευτον, ἵνα συντυχία κατίσια, conversatio & visio, ἀγέλευτη καὶ δέχασσίδαι κατ' ὅπουσια δὲ καὶ Γαλι-



της ουγενούς, κατὰ τὰ εἰρημένα: ἀκολουθήσεις εἰς τὸ σώματόν μη ἵδη μετίτηται; εἰς τὸν πόνον  
(ex II. Cor. V.8.) αἱ δὲ τὰν ἀδικῶν ψυχαὶ εἰς τὸν πόνον τάπανε, κατὰ τὸ εἰρημένον  
αἱ δὲ Ναζαρηνοῦσσος βασιλίων βασιλιάνοι, οἱ ἀδειούσι τὴν επικοφῆν συναρτήσας τοις  
νομοῖς τὰς ἁγένες.

Quibus Basilium M. Cyrrillum Hieros. Epiphanium, Hieronymum, Fulgentium & Athanasium associat C. V. Jos. Arndtius, in variae eruditionis opere, Lexico Antiquitatum Ecclesiasticarum. Tit. Animarum status post mortem, p. 5 f. Ubi & ceterorum Patrum fideliter recenset sententias. Marc. Anton. de Dominis, quo antiquitatis vix quisquam peritior fuit, lib. V. de Rep. c. II X. §. 75. Circa statum animarum tres invenio opiniones. I. Animas post mortem neque gaudere neque tristari, sed dormire ad usque resurrectionem. II. Animas post mortem statim vel ad beatitudinem plenam transire, vel ad plenam damnationem. III. Expiari in purgatorio. Quibus ipse quartam & medianam addit: animas electorum ad eternam gloriam statim transire, eaque frui, non tamen plenè; sic & damnatorum, usque donec fiat resurrectio. Quem sequuntur D. Contr. Horneius, D. Georg. Calixtus, D. Christ. Dreierus, aliique passim. Quod si verum est, impiorum animas, corporum suorum vincitlis solutas, infernum statim adire & penitus ei loco propriis torqueri, non minus de actionibus harum animarum in inferno, quam de integri hominis negotiis queri posset; sed, ne in disceptationem à proposito nostro alienam dilabamur, hanc pilam aliis torquendam ac retorquendam relinquimus & à praesenti concertatione prorsus abstinemus.

CXXXIX. Restat ergo, eos duntaxat à nobis considerari damnatos, qui in extremo judicij universalis die, postquam virtute Divinâ è sepulcris suis resurrexerunt, redunitâ iterum cum corpore animâ, coram horrendo tremendi judicis tribunalí comparentes, sententiam, à Domino pronunciatam audient: *ite, maledicti, in ignem aeternum, qui paratus es Diabolo & angelis ejus.* Matth. XXV. 41. Quo tamen ipso sensu damnatus vel actum notat vel statum, id est, vel in vi participij vel in virtute nominis accipitur. Cum enim homo damnatus, secundum actum damnationis præcisè, consideratur, tum, quæ in extremo judicio circa illum contingunt, utpote, quod unâ cum ceteris hominibus è mortuis suscitatur, ad thronum Divinum adesse jubetur, à fidelibus segregatus